



**NOGOMETNI/FUDBALSKI SAVEZ BiH**

# **KODEKS O PONAŠANJU**

**Sarajevo, septembar 2014.**

U skladu sa članom 35. Statuta Nogometnog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine (u daljem tekstu: NS/FS BiH) na sjednici održanoj 02.09.2014. godine u Sarajevu donosi

## **KODEKS O PONAŠANJU**

### **I – CILJ**

#### **Član 1.**

Cilj ovog Kodeksa je regulisanje pravila ponašanja nogometaša/fudbalera, trenera i ostalog osoblja koji je dio stručnog štaba reprezentacija NS/FS BiH tokom priprema reprezentativnih selekcija, poštovanja i izvršavanja njihovih prava, obaveza, odgovornosti i dužnosti koje proizlaze iz Pravilnika o reprezentacijama NS/FS BiH.

Ovaj kodeks ima za cilj promovisanje osnovnih elemenata izgradnje karaktera i sportske etike koji se sadržavaju u konceptu sportskog ponašanja u ključnim principima; povjerenje, poštovanje, odgovornost, transparentnost, pravednost, briga i socijalizacija, te da se najveći rezultati sporta mogu ostvariti kada se ponašanje, treninzi i natjecanja odražavaju u skladu s ovim načelima.

Svi nogometaši/fudbaleri, članovi stručnog štaba i administrativno osoblje prihvataju ovaj Kodeks kao svoju slobodno izraženu volju danom njegovog objavljivanja.

### **II – PRAVILA PONAŠANJA NOGOMETAŠA/FUDBALERA**

#### **Član 2.**

Igrači su dužni pridržavati se Kodeksa ponašanja u svim prilikama, prije okupljanja reprezentacija, tokom priprema i poslije reprezentativnog okupljanja, a što podrazumjeva:

- u svakoj prilici govoriti afirmativno o reprezentaciji i NS/FS BiH;
- prisustvovati manifestacijama od javnog interesa na koje su pozvani i na taj način promovirati NS/FS BiH;
- izbjegavati sporove nastale u razdoblju trenažnog procesa i na takmičenjima, sporove izvan toga smanjiti na najmanju moguću mjeru, te ih riješiti međusobnim sporazumom u okviru struktura NS/FS BiH.

#### **Član 3.**

U cilju postizanja što boljih rezultata i promovisanja NS/FS BiH, nogometaši/fudbaleri dužni su:

- dolaziti na treninge reprezentacije NS/FS BiH u skladu sa planom aktivnosti koji je utvrdio stručni štab reprezentacije NS/FS BiH, najkasnije 15 minuta prije početka treninga;
- poštovati obaveze koje su predviđene Pravilnikom o reprezentacijama NS/FS BiH u odnosu na medije, tj. davanje izjava prije i poslije završetka reprezentativnog nastupa, bez selektivnog pristupa prema predstavnicima medija (TV, radio, štampa i portali);
- poštovati obaveze prema sponzorima NS/FS BiH u skladu sa sponzorskim ugovorima;
- poštovati zabranu komuniciranja i ponašanja koje bi moglo dovesti do kakvog incidenta, prevashodno preventivno djelovati na mogućnost izazivanja bilo kakve slične pojave koja bi mogla djelovati destabilizirajuće na situaciju u reprezentaciji, prije, tokom i nakon okupljanja reprezentacije NS/FS BiH;
- na takmičenjima obavezno nositi opremu, odjeću i obuću, sa znakom NS/FS BiH i tehničkog sponzora u skladu sa odredbama relevantnog ugovora;

- za rješavanje eventualnih problema kontaktirati prvo šefa stručnog štaba ili sekretara koji bi pronašli najbolje moguće rješenje nastale situacije;
- ponašati se odgovorno (zabranjeno konzumiranje alkohola, droga i drugih opojnih sredstava) tokom reprezentativnog okupljanja, a naročito voditi računa u javnom životu, prije i poslije reprezentativnog okupljanja;
- imati korektan odnos prema kolegama nogometašima/fudbalerima, protivničkoj ekipi, sudijama, službenim licima, navijačima, predstavnicima medija, kao i svim ostalim osobama koji su sastavni dio tima tokom okupljanja reprezentacije NS/FS BiH;
- ponašati se dostojanstveno na putovanjima reprezentacija NS/FS BiH;
- poštovati sva uputstva vezana za zdravstvenu problematiku i preporučene ljekarske kontrole/preglede;
- redovno se odazivati svim pozivima za nastupe u reprezentativnim selekcijama NS/FS BiH;
- biti uzorni članovi zajednice.

Neprovedenjem gore navedenog čini se prekršaj u skladu sa propisanim odredbama Pravilnika o reprezentacijama NS/FS BiH, a mjere koje će biti izrečene predviđene su Disciplinskim pravilikom NS/FS BiH.

### **III – PRAVILA PONAŠANJA SELEKTORA I/ILI TRENERA**

#### **Član 4.**

U cilju postizanja što boljih rezultata i promovisanja rada i aktivnosti NS/FS BiH selektora i/ili trener reprezentacija dužan je:

- ponašati se u skladu sa odredbama ovog kodeksa primjenjivog konkretnoj situaciji;
- prilagoditi plan treninga i raspored takmičenja datoj situaciji;
- izvršavati dogovorene obaveze prema utvrđenom planu i programu rada;
- dolaziti na treninge redovno, najkasnije 15 minuta prije početka treninga;
- nositi opremu, odjeću i obuću, sa znakom NS/FS BiH i tehničkog sponzora NS/FS BiH na treningu i tokom takmičenja kada je to regulisano pravilima;
- obavezno preduhitriti sve eventualne incidentne situacije i na njih preventivno djelovati;
- rješavati sve eventualne probleme, te odmah kontaktirati Sekretara stručnog štaba;
- ponašati se dostojanstveno u javnom životu;
- imati profesionalan odnos prema nogometašima/fudbalerima, protivničkoj ekipi, sudijama, službenim licima, navijačima, predstavnicima medija kao i svim ostalim licima koji su sastavni dio tima tokom okupljanja reprezentacije NS/FS BiH;
- biti uzoran član društvene zajednice.

Neprovedenjem gore navedenog čini se prekršaj u skladu sa propisanim odredbama Pravilnika o reprezentacijama NS/FS BiH, a mjere koje će biti izrečene predviđene su Disciplinskim pravilikom NS/FS BiH.

### **IV – PRAVILA PONAŠANJA OSTALOG OSOBLJA**

#### **Član 5.**

U cilju postizanja što boljih sportskih rezultata, ostvarivanja temeljnih načela sporta, poštivanja sportske etike, izgradnje ličnosti pojedinca i pripadnosti reprezentacije, stvaranja i osiguranja konstruktivnih međuljudskih odnosa u skladu sa principima i načelima koje promoviše sport uopšte, te promovisanje rada i aktivnosti NS/FS BiH, ostalo osoblje koje je sastavni dio tima reprezentacije dužno je poduzeti sve potrebne aktivnosti, a naročito:

- mora imati na umu da sudjeluje u stručnom timu koji je formiran za postizanje optimalnih sportskih rezultata;
- informisati relevantne osobe zadužene za takmičarski dio tima o bilo kakvim fizičkim ograničenjima ili bolestima koje mogu utjecati na sigurnost nogometaša/fudbalera, obavještava trenera ili drugu odgovornu osobu;
- biti pozitivan primjer nogometašima/fudbalerima i ostalim članovima tima, podržavati sportsko ponašanje iskazujući poštovanje, pristojnost i podršku svim nogometašima/fudbalerima, trenerima, službenim licima i kao takav biti primjer;
- ne smije učestvovati u bilo kakvom obliku nesportskog ponašanja sa nogometašima/fudbalerima, trenerima, službenim licima i navijačima, kao što su neprikladno dobacivanje, ruganje drugom, upotreba vulgarnog vokabulara, korištenje uvredljivog jezika, pokazivanje ružnih gesti, a posebno fizičkog pokušaja ili konkretnog fizičkog obračuna;
- za rješavanje eventualnih problema prvo kontaktirati Sekretara stručnog štaba, a tek potom ostala odgovorna lica u NS/FS BiH;
- ispoštovati konkretne upute koje se odnose na zdravstvena pitanja nogometaša/fudbalera, kao i permanentna saradnja sa zdravstvenim institucijama i posebnim antidoping tijelima koji provjeravaju upotrebu nedozvoljenih sredstava;
- poštovati sva službena lica i postupati u skladu sa zadatim obavezama, ne dovodeći u pitanje njihov autoritet, ne suprotstavljati se članovima administracije NS/FS BiH prilikom provođenja službenih zadataka, članovima rukovodstva NS/FS BiH, a sva sporna pitanja raspraviti u duhu dobrih međuljudskih principa i odnosa;
- suzdržati se od upotrebe cigareta, alkohola i drugih opjnih sredstava na svim sportskim događajima.

Neprovođenje gore navedenog čini se prekršaj u skladu sa odredbama Pravilnika o reprezentacijama NS/FS BiH, a mjere koje će biti izrečene predviđene su Disciplinskim pravilikom NS/FS BiH.

### **Član 6.**

Svako narušavanje dužnosti je prekršaj koji automatski proizvodi izricanje mjera prema prekršitelju, o čemu odluku donosi Disciplinska komisija NS/FS BiH i to:

- usmenom opomenom;
- pismenom opomenom;
- novčanom kaznom;
- udaljavanjem sa okupljanja reprezentacija NS/FS BiH;
- raskidom ugovora s trenerom;
- za sve prekršaje koji nisu obuhvaćeni ovim Kodeksom, Disciplinska komisija NS/FS BiH će rješavati posebnim odlukama.

### **Član 7.**

Ovaj kodeks stupa na snagu danom donošenja.

**PREDSJEDNIK**  
**Elvedin Begić, s.r.**